

Te Hianatra ny Marina Momba An'Andriamanitra ve Ianao?

Vakio ny Romanina 10:13-15. Mianatra miantso ny anaran'i Jehovah ny olona rehefa misy Kristianina mitory ny vaovao tsara amin'izy ireo. Jereo ao amin'ny [jw.org](http://www.jw.org), ao amin'ny pejy fidirana hoe ahoana no ataon'ny olona an-tapitrisany mba hitoriana ny “vaovao tsara momba ny zava-tsoa.” Azonareo mianakavy jerena tsirairay ny sary eo ambony amin'ilay pejy fidirana. Vinavinao hoe firenena aiza no aseho eo amin'ilay sary ary aiza ho aiza amin'ilay sarintany etsy ambany no misy azy. Tsindrio avy eo ilay hoe “HANOKATRA.” Ho hitanareo ao raha marina ny valin-teninareo, ary ho fantatrareo hoe firy ny Vavolombelon'i Jehovah mampianatra Baiboly any amin'io tany io. Mariho eo amin'ilay sarintany avy eo hoe aiza no misy anareo.

► **ANDRAMO IZAO:** Mifidiana iray amin'ireo tany aseho ao amin'ilay pejy fidirana ao amin'ny [jw.org](http://www.jw.org). Ampiasao izay fitaovana fanaovana fikarohana anananareo ka fantaro hoe inona avy no fiteny fampiasa any amin'io tany io. Mankanesa avy eo ao amin'ilay hoe “Zavatra Misy”, ary andramo tadiavina ny iray amin'ireo fiteny ireo. Tsindrio ilay fiteny, ary tsindrio ilay hoe “Hikaroka.” Raha misy ilay fiteny, dia makà boky na gazety sy zavatra noraisim-peo amin'ilay fiteny mba hahafantaranareo hoe hoatran'ny ahoana ilay fiteny sy ny fanononana azy.

